



Møteprotokoll for Formannskapet

Møtedato: 01.04.2020
Møtestad: Osterøy rådhus - nettmøte via Teams
Møtetid: kl. 13:00 – kl. 14:10

Frammøtte medlemmer	Parti	Rolle
Lars Fjeldstad	SP	Ordfører
Hjalti Heimir Gislason	H	Varaordfører
Rita Aud Tveiten	AP	Medlem
Johannes Myklebust Bysheim	AP	Medlem
Tone Mjelde	SV	Medlem
Turid Bjørndal Njåstad	SP	Medlem
Ellinor Therese Birkeland	FRP	Medlem
Ragnar Tyssebotn	FRP	Medlem (kom til sak 020/20)
Jarle Skeidsvoll	KRF	Medlem

Frammøtte varamedlemmer	Parti	Erstatter medlem
Henrik Øksnes	FRP	Møtte for R.J. Tyssebotn i sak 019/20

Følgjande frå administrasjonen møtte: Rådmannen og utvalssekretæren

Sakliste

Saknr	Tittel
019/20	Godkjenning av innkalling og sakliste
020/20	Godkjenning av møtebok
021/20	Referatsaker og meldingar

Møtet vart halde som nettmøte via Teams/telefon med heimel i Midlertidig forskrift om gjennomføring av fjernmøter i folkevalgte organer i kommuner og fylkeskommuner for å begrense spredning av Covid- 19, §§ 1 - 4.

019/20: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

01.04.2020 FORMANNSKAPET

Henrik Øksnes, FRP, bad om å få stilla eit spørsmål til slutten av møtet om involvering av heradsstyret i handteringa av koronatiltak.

Johannes M. Bysheim, AP, varsla spørsmål til slutten av møtet. generalforsamlingar i kommununale selskap. tiltakspakke. for samferdselsprosjekt.

Det var ikkje merknader til innkalling og saksliste.

FS - 019/20 VEDTAK:

Innkalling og sakliste vert godkjent.

Ragnar J. Tyssebotn, FRP, kom til møtet til sak 020/20 – Henrik Øksnes, FRP, forlet møtet etter sak 019/20 – 9 medlemmer til stades.

020/20: Godkjenning av møtebok

Rådmannen sitt framlegg:

Møteprotokoll frå vert godkjend.

01.04.2020 FORMANNSKAPET

Tone Mjelde, SV, viste til opptak av møtet og spurde om opptaket er publisert.

Ordføraren, opplyste at opptaket vil bli publisert så snart som råd.

Det var elles ikkje merknader til utsend protokoll frå 25. mars.

FS - 020/20 VEDTAK:

Møteprotokoll frå 25.03.20 vert godkjend.

021/20: Referatsaker og meldingar

Rådmannen sitt framlegg:

"Referatsakene vert tekne til vitande."

01.04.2020 FORMANNSKAPET

Referatsak nr. 1

Rådmannen viste til utsend notat til møtet og orienterte kort i tillegg til dette.

- Løyving av ekstramidlar til kommunane, vil i hovudsak gå til sysselsetjingstiltak, og i mindre grad til dekning av ekstrakostnader for kommunane.

- Har førebels ikkje fått kriteriar for fordeling av tiltakspakke 3 frå staten, og vil ta dette opp med Fylkesmannen i h.t. at kommunen er innmeld i Robek.

- Etablering av eigen Koronapost på Osterøytunet - kriteriar for inntak av pasientar er enno ikkje heilt på plass. Jobbar med personellrekruttering. Må ha dette klart den dagen pasientane kjem. Håpar å få det klart tidleg i veke 15. Eigen luftvegsklinikk - dette er under vurdering. Kommunen har kjøpt ca 1 legeårsverk ekstra. Har f.t. mindre pågang på legekontora.

- Opplever store utfordringar knytt til overflytting av personell - kommunen har mynde og styringsrett, men ein prøver i det lengste å basera flytting på frivilligheit. Har god dialog med dei tillitsvalde.

- Treng å ha beredskap framover for forverring av situasjonen, har no færre i karantene. Må sikra turnusbemanning i påsken

- Over 70 personar er testa, ingen positive prøvar så langt

- Barn og unge - kommunen har ikkje fått opp eigen kontakttelefon for desse, men skular og barnehagar har god kontakt med heimane og barna, men vi er klar over at vi ikkje fangar alt opp på denne måten.

- NAV - har f.t. stor saksmengde, har fått noko hjelp frå kommunen. Ca. 300 permitterte på Osterøy

- God respons på utlysing etter personale som kan jobba midlertidig - kommunen set stor pris på at så mange har meldt seg.

- Nettmøte torsdag med Røde kors, næringsliv, politiet m.fl. for å sikra god dialog med desse.

- har fått tilbod om lån av sjukehussenger og gratis lagerplass hos Rolv Hagebø

- Stenging av idrettsbaner - vurderer opning att til helga. Må følgja retningslinene for å hindra smittespreiing. Kommunen vil ha dialog med idrettslaga via ordføraren.

- kommunen har stort fokus på informasjon til innbyggjarar og tilsette, prøver å vera opne og formidla best mogeleg

Turid Njåstad, SP, stilte spørsmål om legevakten no fungerer som normalt for Osterøy, og om kommunen har andre planar for koronapasientar enn gruppe 7 på Osterøytunet.

Rådmannen, har fått stadfesta at legevakten skal fungera som normalt. Bruken av ØHD- sengene er ikkje avklart. Planlegg for inntil 12 - 15 senger på gr. 7. Har og andre lokale i bakhand om behovet skulle bli langt større enn det ein no ser for seg.

Rita Tveiten, AP, tok opp spørsmål om kontakt med frivillige som ressurs for kommunen, eks. helselaga. Vidare om tilgang på smittevernustyr.

Rådmannen svara at innspelet om helselaga vil bli vidareformidla. Når det gjeld smittevernsutstyr er bestilling sendt inn. Kommunen har så langt nok utstyr, og om det snart kjem noko av det bestilte er situasjonen under kontroll.

Ellinor Birkeland, FRP, aktuelt å testa andre enn helsepersonell for koronasmitte? Omplassering av personell, kan dette gå utover plan- og byggesakshandsaminga? Lokale restriksjonar, brua og idrettsanlegg?

Rådmannen - smittetestar vert utført i samsvar med retningslinjer frå FHI, har ikkje eigne lokale reglar for dette.

Ingen på teknisk forvaltning er omplasserte. Planprosessar er vanskeleg å gjennomføra via Teams. Kommunen har i utgangspunktet ein minimumsorganisasjon, og ein må difor ta ut folk frå ordinær drift.

Smittevernlegen kan gjera vedtak etter smittevernlova for 7 dagar. Utover dette må herads-styret gjera vedtak. Elles må ein følgja sentrale forskrifter.

Ordføraren viste til oppslag i BA i samband med intervju og at han ikkje fekk sitatsjekk på overskrifta på artikkelen. Har i ettertid lagt ut informasjon på facebook med presisering av kommunen sine vedtak kring dette. Vil og ha dialog med idrettslaga om bruk av idrettsanlegga.

Referatsak nr. 2

Skjønsmidler

Rådmannen orienterte kort om tildelinga av skjønsmidler.

Johannes M. Bysheim, AP, spørsmål om tiltakspakke 3, kompensasjon for utgifter, eller til tiltak for oppretthalda aktiviteten.

Ordføraren, har ikkje meir informasjon om dette. Oppfattar det førebels mest som ei investeringspakke for å halda næringslivet i gang.

Johannes M. Bysheim, AP, kan gangvegprosjektet Hauge - Loftås vera aktuelt å spela inn til fylkeskommunen.

Ordføraren, må koma tilbake til dette når det er meir avklart korleis dette skal handterast.

Rita Tveiten, AP, viktig å fremja aktuelle prosjekt, ha ei proaktiv rolle.

Jarle Skeidsvoll, KRF, viktig å fremja ferdig planlagte prosjekt.

Referatsak nr. 3

Ordføraren orienterte om at han tok opp spørsmål kring legevaktordniga i regionrådet 20. mars og fekk avklart at det ikkje er gjort endringar kring denne.

AVRØYSTING

Rådmannen sitt framlegg vart samrøystes vedteke.

FS - 021/20 VEDTAK:

"Referatsakene vert tekne til vitande."

Andre saker/spørsmål

Ordføraren viste til at berre medlemmer kan stilla spørsmål i møtet, men at andre kan senda spørsmål på e-post til ordføraren.

Det vert halde nytt orienteringsmøte (nettmøte) for formannskapet onsdag 08. april, kl. 11.00.

Generalforsamlingar i kommunaleigde selskap

Johannes M. Bysheim, AP, oppmoda om å utsetja generalforsamlingane til hausten.

Det vart ikkje gjort vedtak i tilknyting til spørsmål og svar.

Til å skriva under møteprotokollen saman med ordføraren vart desse valde: Tone Mjelde og Rita Tveiten

Lonevåg, 02.04.2020

Bente Skjerping
Utvalssekretær

Lars Fjeldstad
Ordfører

Tone Mjelde

Rita Tveiten